

S P O R A Z U M

o naučno-istraživačkoj, stručnoj i poslovno-tehničkoj saradnji između

Prirodno-matematičkog fakulteta Univerziteta u Sarajevu kojeg zastupa dekan, prof.dr. Rifat Škrijelj (u daljem tekstu: PMF)

i

Zavoda za transfuzijsku medicinu Federacije Bosne i Hercegovine kojeg zastupa direktorica, Prim. dr. Jasminka Kurilić (u daljem tekstu: Zavod za transfuzijsku medicinu)

Član 1.

Ovim sporazumom utvrđuju se mogući načini međusobne saradnje između PMF-a i Zavoda za transfuzijsku medicinu u naučno-istraživačkom, stručnom i poslovno-tehničkom području djelovanja potpisnika ovog sporazuma.

Član 2.

Saradnja iz člana jedan ovog Sporazuma ostvarivat će se putem:

- prijave i učestvovanja istraživača PMF-a i Zavoda za transfuzijsku medicinu na kantonalnim, federalnim, državnim i međunarodnim naučno-istraživačkim projektima/programima (kao što su npr. IPA programi predpristupnih fondova EU itd.);
- intenziviranja saradnje sa zemljama okruženja, koje su potpisnice međudržavnog ugovora o naučno-nastavnoj saradnji;
- razmjena stručnih iskustava kroz zajedničko učestvovanje stručnjaka PMF-a i Zavoda za transfuzijsku medicinu na rješavanju problema iz prakse (rad na ekspertizama, studijama, tehničkim izvještajima itd.);
- učešća djelatnika Zavoda za transfuzijsku medicinu u nastavnom procesu na PMF-u u skladu sa nastavnim potrebama i Zakonu o visokom obrazovanju Kantona Sarajevo;
- pomoći Zavoda za transfuzijsku medicinu u unaprijeđenju nastavnog procesa na PMF-u kroz (predavanja, stručne posjete nastavnika i studenata, vježbe u izvodljivom obimu, izrade diplomskih, magistarskih i doktorskih radova studenata sa PMF-a);
- mogućnosti korištenja prostorija PMF-a za potrebe Zavoda za transfuzijsku medicinu (kao što je organizovanje dobrovoljnog darivanja krvi studenata PMF-a, zatim organizovanje naučnih, stručnih seminara itd.);
- opremanja laboratorija za naučno-istraživačku i nastavnu djelatnost;
- podrške naučno-istraživačkom radu od interesa za PMF i Zavoda za transfuzijsku medicinu;
- zajedničkih nastupa, odnosno formiranja zajedničkih timova u međusobnim poslovima i poslovima sa drugim institucijama od interesa za PMF i Zavoda za transfuzijsku medicinu;
- rada na naučnim i stručnim poslovima iz oblasti djelatnosti PMF-a, odnosno Zavoda za transfuzijsku medicinu;

Član 3.

PMF i Zavod za transfuzijsku medicinu sporazumjeli su se da će za svaku od aktivnosti iz člana dva sklapati poseban ugovor, pri čemu će se imati u vidu pojedinačni kao i zajednički interesi.

Član 4.

PMF i Zavod za transfuzijsku medicinu sporazumjeli su se da će zajednički ostvarena finansijska sredstva, laboratorijsku opremu, naučna i stručna prava raspodijeliti međusobno, a što će biti regulisano posebnim ugovorom prema članu tri.

Član 5.

PMF i Zavod za transfuzijsku medicinu sporazumjeli su se da će izvršenje aktivnosti iz člana dva ovog sporazuma, po potrebi, formirati zajedničke timove.

Član 6.

Ovaj Sporazum se zaključuje na neodređeno vrijeme. Svaka strana u Sporazumu može pismeno otkazati ovaj Sporazum u cjelini ili djelimično sa otkaznim rokom od tri mjeseca.

Član 7.

Eventualni sporovi rješavat će se dogovorom PMF-a i Zavoda za transfuzijsku medicinu. U slučaju da se na ovaj način ne postigne zadovoljavajuće rješenje sporove će rješavati nadležni Sud u Sarajevu.

Član 8.

Sporazum je sačinjen u četiri (4) istovjetna primjerka od kojih svakoj potpisnici pripada dva (2) primjerka.

Član 9.

Sporazum stupa na snagu danom potpisivanja.

